

固精進當得常樂涅槃

尔時彌勒佛諸弟子普皆端正威儀具足歟
生老病死多聞廣學守護法藏行於禪定得
離諸欲如鳥出穀尔時彌勒佛欲往長老大
迦葉所即與四衆俱就耆闐嶼山於山頂上
見大迦葉時男女大衆心皆驚恠彌勒佛讚

言大迦葉比丘是釋迦牟尼佛大弟子釋迦
牟尼佛於大衆中常所讚歎顯陀第一通達
禪定解脫三昧是人雖有神力而無高心能
令衆生得大歡喜常愍下賤貧惱衆生救援
苦惱令得安隱彌勒佛讚大迦葉骨身言善
哉大神德釋師子大弟子大迦葉於彼惡世
能修其心

尔時人衆見大迦葉爲彌勒佛所讚百千億
人因是事已厭世得道是諸人等念釋迦牟
尼佛於惡世中教化無量衆生令得具六神
通成阿羅漢尔時說法之處廣八十由旬長
百由旬其中人衆若坐若立若近若遠各各

自見佛在其前獨爲說法彌勒佛住世六萬
歲憐愍衆生令得法眼滅度之後法住於世
亦六万歲汝等宜應精進發清淨心起諸善
業得見世間燈明彌勒佛身必無疑也佛說
是經已舍利弗等歡喜受持

彌勒下生經

七

本集國主齊齊郡華亭縣長人鄉十九保牛場涇居桂舉
佛弟子王參澤發心施官會珠捨財入磧砂延聖院刊大藏彌勒下生經一卷
功德追薦老娘孫氏六十一娘子妻唐氏百四娘子
士夫人衛小八宣義古職妻許氏九十三娘子衆冤通此良因同生淨土

佛說彌勒來時經

失譯

舍利弗者是佛第一弟子以慈心念天下往
到佛所前長跪叉手問言佛常言佛去後當
有彌勒來願欲從佛聞之佛言彌勒佛欲來
出時間浮利內地山樹草木皆焦盡於今間
浮利地周匝六十萬里彌勒出時間浮利地
東西長四十萬里南北廣三十二萬里地皆
當生五種菓蓏四海內無山陵嶼峪地平如
掌樹木皆長大當是時人民少貪姦瞋恚愚

癡者人民衆多聚落家居鷄鳴辰轉相聞人
民皆壽八萬四千歲女人五百歲乃行嫁人
民無病痛者都盧天下人有三病一者意欲
有所得二者飢渴三者年老人民面目皆桃
華色人民皆敬重有城名雞頭末雞頭末城
者當王國治城周匝四百八十里以上築城
復以板著城復以金銀琉璃水精珍寶著城
四面各十二門門皆刻鏤復以金銀琉璃水
精珍寶著之國王名僧羅四海內皆屬僧羅
行即飛行所可行處人民鬼神皆傾側城有
四寶一者金有龍守之龍名倪盞鋒主護金
龍所止地名捷陀二者銀無國中復有守龍
名播頭三者明月珠所生地處名湏漸守珍
龍名賓竭四者珊瑚所生城名汜羅那夷有
一婆羅門名湏凡當爲彌勒作父彌勒母名
摩訶越題彌勒當爲作子彌勒者種當作婆
羅門身有三十二相八十種好身長十六丈
彌勒生墮城地目微視萬里內頭中日光照

四千里彌勒得道爲佛時於龍華樹下坐樹
高四十里廣亦四十里彌勒得佛時有八萬
四千婆羅門皆往到彌勒所師事之則棄家
作沙門彌勒到樹下坐用四月八日明星出
時得佛道國王僧羅聞彌勒得佛則將八十
四王皆棄國捐王以國付太子共到彌勒佛
宣
殊
第
四

所皆除鬚髮爲沙門復有千八百婆羅門皆
到彌勒佛所作沙門彌勒父母亦在其中復
有聖婆羅門千八十四人皆復到彌勒佛所
作沙門國有大豪賢者名湏檀人呼湏達復
呼人民以黃金持與彌勒佛及諸沙門名聲
日布方遠湏達復將賢善人萬四千人到彌
勒佛所作沙門復有兄弟二人兄名鼓達弟
名扶蘭兄弟皆言我曹何爲住是世間寧可
俱到佛所求作沙門耶兄弟皆言我善便到
彌勒佛所作沙門復有小女人輩八萬四千
人身皆著好衣白珠金銀瓔珞俱到彌勒佛
所皆脫着身珍寶以著地白佛言我曹欲持

是上佛及諸沙門我欲從佛作比丘尼佛即

令作比丘尼彌勒佛坐為諸比丘僧比丘尼皆

無不是釋迦文佛時誦經者慈心者布施者不

聽恚者作佛圖寺者持佛骨著塔中者燒香

者然燈者懸繩者散華者讀經者是諸比丘

尼音釋迦文佛時人持戒者至誠者於今皆
來會是聞諸比丘所說經處處者皆於龍華
樹下得道彌勒佛初一會說經時有九十六
億人皆得阿羅漢道第二會說經時有九十一
億比丘皆得阿羅漢第三會說經時有九十二
億沙門皆得阿羅漢舉天上諸天皆當持華
散彌勒身上彌勒佛當將諸阿羅漢至雞頭

彌勒同

末王所治城王皆內宮中飯食舉城皆明夜
時如晝日彌勒於宮中坐說經言善不可不
作道不可不學經不可不讀佛說經已諸比
丘及王百官皆當奉行佛經戒皆得度世佛
說如是彌勒佛却後六十億殘六十萬歲當

來下

佛說彌勒來時經

大宋國嘉丘府華亭縣長人鄉尤保牛場涇西居住奉
佛弟子王林發捨官舍或拾或附入碛砂延壽院刊大藏彌勒來時經
卷功德報答四恩三有

嘉熙三年七月 日幹緣僧

畫圖等

題

觀彌勒菩薩下生經

西晉月氏三藏竺法護譯

聞如是一時佛在舍衛國祇樹給孤獨園與
大比丘衆千五百人俱爾時阿難偏袒右臂
右膝著地白世尊言如來玄鑒無事不察當
來過去現在三世皆悉明了過去諸佛姓名
名號弟子菩薩翼從多少皆悉知之一劫百
劫若無數劫皆悉觀察亦復知國王大臣人
民姓字悉能分別如今現在國界若干亦復
明了將來久遠彌勒出現至真等正覺欲聞其
變弟子翼從佛境豐樂為經幾時佛告阿難
汝還就坐聽我所說彌勒出現國土豐樂弟
子多少善思念之執在心懷是時阿難從佛
受教即還就坐

尔時世尊告阿難曰將來久遠於此國界當